



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 85. Genuenses sub Mediolanensis Ducis Imperio.

[urn:nbn:de:hbz:466:1-66444](#)

Sæcul. XV.
A.C. 1488.

§. LXXXV.

Genuenses sub Mediolanensis Ducis imperio.

Foliet hist. Recruduit hoc anno inveterata dissensio, ac civile bellum inter Genuenses, quorum Archiepiscopus ac Gubernator erat Paulus Fregosus, seu Fulgosius Cardinalis. Hic sua tyrannide populi invidiam in se concitasse haud ignarus, nullum non movit lapidem, ut saltem urbis imperium, si ipse eo destitueretur, suis quoque æmulis eripere posset. Quapropter Civibus auctor extitit, ut pristinæ pacis ac quietis, qua sub Mediolanensium dominatu potiti essent, memores, denuo iisdem se se subjicerent. Eo tempore Mediolanensibus præerat Dux Joannes Galeatus, cum autem ejusdem Patruus Ludovicus Sforzia, qui ob subnigrum vultus colorem, *Maurus* vulgo appellabatur, Nepotis sui imbecillitatem in rem suam verteret, ipsus Ducatum pro summo imperio administrabat, præcipue postquam Bonnam Joannis Galeatii Matrem Ducatu expulisset. Ad hunc ergo Fulgosii suos elegant Oratores, quos paulo post sequebatur Fulgosius Pauli Filius, qui Sforzia suasu Claram spuriam Galeatii Ducis sororem matrimonio sibi junxerat. Ea res vehe-

vehementer commovit Genuenses, eo-^{sæcul.} XV.
 quod hoc affinitatis vinculo durius sub- ^{A.C. 1488.}
 strati viderentur Archiepiscopi pedibus,
 hinc seditionem in eum conflant, atque
 ad arcem fugere compulsum obsident, to-
 toque belli apparatu illum ad deditio-
 nem cogere conantur. Postmodum Ci-
 ves, quid in hoc rerum articulo agerent,
 consultatione habita, duas legationes
 mittere decernunt, alteram ad Galliarum
 Regem, qua illi urbem dedendam pro-
 mitterent, ac promptum subsidium effla-
 gitarent, alteram ad Innocentium Pa-
 pam, supplices, ut ipsum patriæ suæ, in
 qua in lucem editus esset, miseratio subi-
 ret: Cum vero ubique surdas pulsarent
 aures, arte demum, atque astu Ludovi-
 ci Sfortiæ res eo deducta est, ut a ci-
 vibus tanquam illorum Princeps agno-
 sceretur. Hic autem Augustinum Ad-
 ornium ad decennium urbis Vicarium
 constituit, quo facto Cardinalis Fulgosius
 Magistratu se abdicavit, Romamque se
 recipiens complures adhuc annos ibidem
 superstes vixit.

§. LXXXVI.

Scotorum dissidia.

Haud levioribus turbis agitatum est ^{Polyd. Virg.}
^{I. 26.} Scotiæ regnum; illius enim Proce- ^{Buchanan}
 res in Regem suum Jacobum III. insur- ^{de reb. Scot.}
 gebant, ^{Iib. 12. & 13.}